

Borgarráð

Skipan starfshóps ríkis, Reykjavíkurborgar og KSÍ um uppbyggingu Laugardalsvallar

Hjálögð eru drög að erindisbréfi starfshóps ríkis, Reykjavíkurborgar og KSÍ sem stofnaður er af forsætisráðherra og borgarstjóra sameiginlega, m.a. með vísan til fyrri samþykktar borgarráðs um þríhliðaviðræður þessara aðila og með þeim fyrirvörum sem þar koma fram.

Dagur B. Eggertsson

Hjálagt:

Yfirlýsing ríkis og Reykjavíkurborgar um skipan starfshóps með KSÍ um uppbyggingu Laugardalsvallar - drög IV. ódags.

Drög IV

Yfirlýsing ríkis og Reykjavíkurborgar um skipan starfshóps með KSÍ um uppbyggingu Laugardalsvallar

Knattspyrnusamband Íslands (KSÍ) hefur haft til skoðunar mögulega uppbyggingu Laugardalsvallar sem þjóðarleikvang fyrir knattspyrnu. Í kjölfar góðs árangurs karla- og kvennalandsliða í knattspyrnu hefur farið fram umræða um stöðu Laugardalsvallar í alþjóðlegu samhengi. Völlurinn og mannvirki umhverfis hann eru langt frá því að standast alþjóðlegar kröfur. KSÍ hefur undanfarin misseri skoðað ýmsa möguleika til úrbóta. Fyrir liggur hagkvæmiathugun þar sem sviðsmyndir vegna mögulegrar uppbyggingar eru kynntar. Ríki og Reykjavíkurborg hafa stutt verkefnið með fjárframlögum, m.a. vegna forhönnunar mannvirkja og kostnaðargreiningar.

Nú þegar fyrir liggur hagkvæmiathugun, rekstraráætlun, forhönnun og kostnaðarmat mannvirkja þarf að leggja mat á undirbúningsgögnin og taka ákvörðun um framhald málsins. Forsætisráðherra og Borgarstjórinn í Reykjavík hafa því ákveðið að skipa starfshóp í samstarfi við KSÍ sem fara skal yfir fyrirbyggjandi tillögur, leggja mat á þær og gera tillögur um mögulega uppbyggingu. Starfshópnum er falið að gera tillögu um:

- Hvers konar leikvangur væri hagstæðastur í Laugardal af þeim kostum sem skoðaðir hafa verið.
- Fjármögnun og kostnaðarskiptingu út frá þeirri hugmynd sem verður fyrir valinu.
- Eignarhald og rekstrarform mannvirkisins.
- Fyrirkomulag útboðsmála, innkaupa og samninga
- Mögulega aðkomu ríkisins að verkefninu, m.a. í ljósi hugmynda um regluverk um þjóðarleikvanga.
- Mögulega aðkomu Reykjavíkurborgar að verkefninu.
- Mögulega aðkomu KSÍ að verkefninu.
- Tilhögun framkvæmda og tímaáætlun.

Starfshópin skipa:

Benedikt Árnason, skrifstofustjóri, forsætisráðuneyti, formaður.

Anna Sigríður Arnardóttir, lögfræðingur, f.h. fjármála- og efnahagsráðuneytis.

Óskar Þór Ármannsson, sérfræðingur, mennta- og menningarmálaráðuneyti

Hrólfur Jónsson, skrifstofustjóri eigna og atvinnuþróunar, Reykjavíkurborg

Ólöf Örvarsdóttir, sviðsstjóri umhverfis- og skipulagssviðs, Reykjavíkurborg

Ómar Einarsson, sviðsstjóri íþrótta- og tómstundasviðs, Reykjavíkurborg

Guðni Bergsson, formaður Knattspyrnusambands Íslands

Guðrún Inga Sívertsen, varaformaður Knattspyrnusambands Íslands.

Borghildur Sigurðardóttir, stjórnarmaður Knattspyrnusambands Íslands

Ráðgjafi starfshópsins er Pétur Marteinsonar, framkvæmdastjóri Borgarbrags.

Mælt er til að starfshópurinn skili tillögum sínum fyrir 1. apríl 2018.